



KËSHILLI I LARTË GJYQËSOR

NJOFTIM

PËR SHPALLJEN E PROCEDURËS SË EMËRIMIT NË GJYKATËN E LARTË, NGA RADHËT E JURISTËVE TË SPIKATUR

Këshilli i Lartë Gjyqësor, mbështetur në nenin 136 të Kushtetutës së Republikës së Shqipërisë, në nenin 48, pikat 3/c dhe 5, si dhe nenin 49 të Ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë”, si edhe në nenin 31, pika 1, të Ligjit nr. 98/2016 “Për organizimin e pushtetit gjyqësor në Republikën e Shqipërisë”, referuar Shkresës nr. 1926/1 prot., datë 08.07.2019, të Gjykatës së Lartë, në lidhje me pozicionet e lira në këtë gjykatë, në cilësinë e organit verifikues, përzgjedhës dhe propozues të kandidatit për emërim si gjyqtar i Gjykatës së Lartë, me qëllim plotësimin e një pozicioni të lirë, nga radhët e juristëve të spikatur me ekspertizë të veçantë në fushën e të drejtës civile, **me Vendimin nr. 172, datë 11.09.2019, ka vendosur :**

Shpalljen e procedurës së emërimit në Gjykatën e Lartë dhe bërjen e thirrjes për paraqitjen e kandidaturave, nga radhët e juristëve të spikatur, për një pozicion të lirë, që plotësojnë kërkesat specifike për ekspertizë të veçantë në fushën e të drejtës civile.

Këshilli i Lartë Gjyqësor fton :

Çdo jurist, që plotëson kushtet dhe kriteret e parashikuara në nenin 136, pikat 3 dhe 4, të Kushtetutës së Republikës së Shqipërisë, si dhe në nenin 49, pika 1, 2 dhe 5, të Ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë”, për të marrë pjesë në këtë procedurë konkurrimi të hapur publike dhe të paraqesë pranë Këshillit të Lartë Gjyqësor dokumentacionin e nevojshëm të përcaktuar mëposhtë.

Kushtet që duhet të plotësojë kandidati për t’u emëruar në Gjykatën e Lartë, sipas nenit 136, pikat 3 dhe 4, të Kushtetutës së Republikës së Shqipërisë, janë :

- a) të ketë vjetërsi në profesion, prej 15 vjetësh, si avokat, profesor ose lektor i së drejtës, jurist i nivelit të lartë në administratën publike ose në fusha të tjera të së drejtës;
- b) të mbajë gradë shkencore në drejtësi;
- c) të mos ketë mbajtur funksione politike në administratën publike, ose pozicione drejtuese në parti politike, gjatë 10 vjetëve të fundit para kandidimit.

Kandidati që përmbush kushtet e parashikuara më sipër, duhet të plotësojë edhe kriteret, sipas nenit 48, pika 3, shkronja “c” dhe pika 5, si dhe nenit 49 të Ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë”, si mëposhtë :

- a) të ketë zotësi të plotë për të vepruar;
- b) të jetë shtetas shqiptar;
- c) të mos jetë i dënuar me vendim penal të formës së prerë;
- ç) të mos jetë i larguar nga detyra për shkaqe disiplinore, si dhe të mos ketë masë disiplinore në fuqi;
- d) të mos ketë qenë anëtar, bashkëpunëtor ose i favorizuar nga Sigurimi i Shtetit përpara vitit 1990;
- dh) të mos ketë qenë dhe të mos jetë bashkëpunëtor, informator, ose agjent i shërbimeve sekrete,
- e) të kalojë me sukses procesin e verifikimit të pasurisë dhe të figurës, sipas ligjit.

Plotësimi i kushteve dhe kriterëve të mësipërme do të verifikohet sipas kërkesave dhe procedurës së përcaktuar në Vendimin e Këshillit të Lartë Gjyqësor nr. 75, datë 23.05.2019, “Për procedurën e verifikimit të kushteve dhe kriterëve për rekrutimin e kandidatëve për gjyqtarë, për zhvillimin e karrierës së gjyqtarëve dhe për emërimin e gjyqtarëve të Gjykatës së Lartë”.

Kandidati që përmbush kushtet dhe kriteret e mësipërme, do të vlerësohet, pikëzohet dhe renditet sipas kërkesave dhe procedurës së përcaktuar në Vendimin e Këshillit të Lartë Gjyqësor nr. 102, datë 05.07.2019, “Për kriteret e vlerësimit, pikëzimit dhe renditjes së kandidatëve jogjyqtarë dhe procedurën e përzgjedhjes për emërim në Gjykatën e Lartë”.

Në momentin e aplikimit **kandidati duhet të paraqesë këto dokumente :**

- a. Kërkesën për shprehjen e interesit për të kandiduar për pozicionin e lirë, sipas kërkesave të shpallura;
- b) Jetëshkrimin (*sipas formatit bashkëlidhur*);
- c) Fotokopje të kartës së identitetit;
- ç) Dokumentacionin shoqërues (origjinal ose kopje të njësuar me origjinalin) nëpërmjet të cilit vërtetohet përmbushja e kushteve dhe kriterëve të përcaktuara më lart, dokumente të tilla si :
certifikatë personale;
dokument që vërteton kryerjen e studimeve për drejtësi;

dokumentin e gradës shkencore në drejtësi;

librezë pune; kontratë pune; vërtetim pune lëshuar nga punëdhënësi, subjekt shtetëror ose privat; licencë e shoqëruar me dokumentacionin e regjistrimit në Qendrën Kombëtare të Bizneseve dhe në organet tatimore;

dokument për gjëndjen gjyqësore lëshuar nga Drejtoria e Përgjithshme e Burgjeve;

formular vetëdeklarimi për mosmbajtjen e funksioneve politike në administratën publike, gjatë 10 viteve të fundit para kandidimit (sipas formatit bashkëlidhur);

formular vetëdeklarimi për mosmbajtjen e pozicioneve drejtuese në parti politike, gjatë 10 viteve të fundit para kandidimit (sipas formatit bashkëlidhur);

formular vetëdeklarimi për mosqenien i larguar nga detyra për shkaqe disiplinore, si dhe për mospasjen masë disiplinore në fuqi ndaj jush (sipas formatit bashkëlidhur);

formular vetëdeklarimi për mosqenien anëtar, bashkëpunëtor ose i favorizuar nga Sigurimi i Shtetit përpara vitit 1990 (sipas formatit bashkëlidhur);

formular vetëdeklarimi për mosqenien bashkëpunëtor, informator, ose agjent i shërbimeve sekrete (sipas formatit bashkëlidhur).

Dokumentacioni i aplikimit duhet të dorëzohet nga kandidati pranë Këshillit të Lartë Gjyqësor, në adresën Bulevardi “Zog I”, Tiranë.

Afati i paraqitjes së kërkesës me dokumentacionin shoqërues është dy javë nga dita e publikimit të këtij njoftimi në faqen zyrtare të internetit të Këshillit të Lartë Gjyqësor.

Pas administrimit të dokumentacionit, lista e aplikantëve do të publikohet në faqen zyrtare të internetit të Këshillit të Lartë Gjyqësor.

Këshilli i Lartë Gjyqësor menjëherë me përfundimin e procesit të aplikimit, do të fillojë procedurën e verifikimit të plotësimit nga kandidatët të kushteve dhe kriterëve të emërimit në Gjykatën e Lartë, që do të pasohet me procedurën e përzgjedhjes së kandidatit më të mirë.

Të gjithë të interesuarit për më tepër informacion lidhur me procedurat, kushtet dhe kriteret, mund të vizitojnë faqen zyrtare të Këshillit të Lartë Gjyqësor, duke u konsultuar me Vendimin nr. 172, datë 11.09.2019, “Për shpalljen e procedurës së emërimit në Gjykatën e Lartë, nga radhët e juristëve të spikatur”.

Këshilli i Lartë i Gjyqësor fton çdo kandidat që, për t’i paraprirë procesit të verifikimit të pasurisë, të grumbullojë paraprakisht çdo dokument të nevojshëm shoqërues të formularit “Deklaratë e pasurisë dhe interesave privatë e kandidatit për pozicione të ndryshme në institucionet e sistemit të drejtësisë” miratuar nga Inspektori i Përgjithshëm i Inspektoratit të Lartë të Deklarimit dhe Kontrollit të Pasurive dhe Konfliktit të Interesave.

Ky njoftim është publikuar më datë 12.09.2019.